

拆封緘龍團闢破柏樹機關先見玉童製香霧輕飛銀餅引靈
泉新薦成風手段蚪髯奮擊碎鯨波仗此君些子功夫瓊花細
浮甌面 這一則全提公案宜受用不煩寵勸滌塵襟靜盡無
餘開心月清涼一片羣魔電掃瑩中外獨露元眞會玉川攜手
蓬瀛留連水晶宮殿

江神子慢

詠香

玉童朝報徹仙夢斷華胥太平國素屏側金爐爇炭襯雲心虛
白御封坼一瓣纔拈清馥馥氤氳滿靈空無間隔遍飄三境融
融通高厚貫金石 神州初凝玉釜記不萌枝上微露春色幾
道藏輯要 雲山集 二 拾 又昂集六 川上入
人識塵凡阻豈許垂爪明得氣綿密洞府高眞俱默會遊蜂蝶
紛紛無處覓杳然曳縷虛凝入寥天一

同前

蓮塘雨初歇波面倚瓊花照澄澈命童折銀餅浸姑射仙姿凝
潔默時說大地寥天俱捨聚無巨細收來藏貝葉放開微蕊眞
光塵沙界盡朝徹 一枝眞傳亘古向無聲色裏出廣長舌莫
分別纖毫受入眼還同金屑拂陳迹物物般般無盡藏閑桃李
眞容俱漏泄再拈誰肯承當付花稍月

齊天樂

自爲形所累寒餓交侵贅疣何異試究虛玄從初本有一點圓